

元祐黨人傳

元祐黨人傳卷第九

詔授榮祿大夫三品頂戴前廣東南韶連兵備道調補高

廉道權福建鹽運使司鹽法道加四級

臣陸心源纂

武臣

張巽傳

張巽開封人父茂則宋史宦者有傳巽元豐中官左藏庫副使八年詔茂則宿衛宮省更厯四朝清謹忠勤宜在褒勸以巽爲西上閤門副使紹聖中改客省副使尋坐父茂則罪改授皇城副使差鄧州都監崇甯三年入黨籍

通鑑長編參宋大詔令楊仲良紀事本末

李備傳

李備累官供備庫副使梁陽寨主元祐五年以申蠻賊犯邊借差楊晟經等掩護有功備及監押蔡義與蠻主賊十餘戰詔賜金帛有差六年措置荆湖北路邊事司言備督士卒轉戰有勞爲文思院副使

通鑑長編

王獻可傳

王獻可山西澤州人元祐七年累官知麟州西作坊使坐不稟帥司節制擅統兵將擊夏賊追一官勒停

長編四百七十八

尋起爲英州刺史知瀘州元符元年遷左

驢使權發遣梓夔路鈐轄管勾瀘南沿邊安撫使

公事黃庭堅謫涪獄可遇之甚厚二年五月坐元祐中上書議論朝政附會奸黨降一官罷現任差遣子霽雲霽崇甯中爲詳議官上書言蔡京罪黥隸海島欽宗復其官從种師中戰死

山西通志參長編

雲宋史有傳

胡田傳

胡田字雲從江西奉新人元豐間參鄜延副總管曲珍軍事敗夏人于金湯以功進忠訓郎左班殿直轉右侍禁元祐三年遷宮苑副使知沅州奏請歸明土官楊昌晟等存留渠陽軍縣依舊名事應舊送縣者令渠陽軍理斷徒以上罪送沅州五年言渠陽寨蠻

人作過臣領兵處置畢詔軍兵賜錢有差

長編四百四十二

歷知欽州誠州累遷六宅使六年以措置荆湖北路邊事司言田躬督士卒轉戰有勞遷左驥驥使領循州刺史知開州紹聖初知渠陽軍四年以乞罷廢渠陽等寨降授供備庫副使廣西經略使准備差遣

長編

四百九十一

元符間同從弟良儒上書論瑤華宮事崇甯

元年勾管仙都觀尋入黨籍編管本州

江西通志參長編

馬諗傳

馬諗崇甯三年編管南恩州入黨籍五年移岳州

長編

紀事本末

王履傳

王履字坦翁開封人父景琚官皇城使知澧州履好學通經史鄉荐不第元符元年以父任除三班奉職元符間上書力言朝政闕失褫官編管新州名在黨籍政和初復官提舉北京恩冀州黃河堤埽公事累官監左藏庫靖康元年以武翼大夫副李若水使金軍城陷扈駕出城還除武勝軍節度使辭曰臣六世食祿願以死報國不敢冒膺殊賞改相州觀察使二年正月扈駕再出與若水同爲金人所留二月金人廢欽宗命脫龍衣履抱帝高聲攔截金人擗開履手

擊破頭面履日夜號哭罵不絕聲二十一日與若水

同遇害

北盟會編

建炎元年贈武勝軍節度使

要錄卷二

趙希夷傳

趙希夷燕王德昭九世孫秉義郎子維之曾孫昭玘

之孫師勛之子事蹟無攷崇甯三年入黨籍

宋史宗室表參

長編紀事本末

任濟傳

任濟崇甯三年入黨籍事蹟無攷

楊仲夏長編紀事本末

郭子旂傳

郭子旂崇甯三年編管賓州入黨籍五年移峽州

同上

錢盛傳

錢盛仕履無攷崇甯三年除名勒停編管康州入黨

籍同
上

趙希德傳

趙希德燕王德昭九世孫武翊大夫子極之曾孫伯
麾之孫師興之子事蹟無攷崇甯三年入黨籍編管
賓州五年以九鼎赦移荆門軍

宋史宗室表參
長編紀事本末

王長民傳

王長民崇甯三年編管循州五年移江甯府

長編紀
事本末

李永傳

李永崇甯三年入黨籍事蹟無攷

同

王庭臣傳

王庭臣仕履無攷崇甯三年除名勒停編管廣州入

黨籍

同上

吉師雄傳

吉師雄仕履無攷崇甯三年除名勒停編管連州入

黨籍

同上

李愚傳

李愚仕履無攷崇甯三年除名勒停編管封州入黨

籍

同上

吳休復傳

吳休復崇甯三年入黨籍

紀事本末

事蹟無攷案宋史有

吳中復興國永興人或卽休復兄弟行歟俟攷

崔昌符傳

崔昌符仕履未詳崇甯三年除名勒停編管潮州

楊仲

良長編紀

案宋史有崔台符字平叔蒲陰人中明法

科累官至光祿大夫元祐初御史林旦上官均發其

惡出知潞州又貶秩徙相州復兼監牧使或與昌符

兄弟行也

潘滋傳

潘滋仕履無攷崇甯三年除名勒停編管惠州入黨

籍

楊仲良紀
事本末

高士權傳

高士權崇甯三年入黨籍

紀事本末

案士權當爲高瓊之

後宣仁皇后之兄弟行考遵裕之子有士京士充宣
仁之弟有士林士英則士權必宣仁兄弟行也士林
爲宣仁胞弟僅官內殿崇班贈德州刺史皆武職也
士權之任武臣宜矣

李嘉亮傳

李嘉亮仕履無攷崇甯三年除名勒停編管梧州入

黨籍楊仲良紀事本末案通鑑長編李時亮嶺南人熙寧元

年以植州錄事參軍改武爲供備庫使知廉州或卽

嘉亮兄弟行也

李琬傳

李琬一作王琬元祐初累官通直郎元年從知大名

府韓絳請換授供備庫副使崇寧三年入黨籍通鑑長編

參紀事本末

劉延羣傳

劉延羣崇寧三年入黨籍紀事本末仕履無攷

姚雄傳

姚雄字毅夫五原人父兕宋史有傳雄少勇鷙有謀
年十八佐父征伐從討金湯以百騎先登奪隘又成
荔原之功韓絳薦其才閱試延和殿紹聖中渭帥章
棣城平夏雄部熙河兵策援夏人傾國來與之鏖戰
流矢注肩戰采厲賊引却追躡大破之斬首三千級
俘虜數萬城成擢東上閤門使秦州刺史徙知會州
河州建中靖國初議棄湟州詔訪雄利害雄以爲可
棄遂以賜趙懷德徙雄知熙州進華州觀察使蔡京
用王厚復河湟治棄地罪停雄官光州居住三年得
自便後論爲責輕復竄金州明年聽歸高永年死西

肅諸戍阻絕起雄權熙河經略使知滄州拜武康節
度使以檢校司空奉甯軍節度使致仕卒贈開府儀
同三司諡武憲事蹟詳宋史本傳

李基傳

李基崇甯三年入黨籍楊仲良紀事蹟無攷

內臣

梁惟簡傳

梁惟簡元豐八年充內東門使兼皇太后殿祇候元
祐初御藥院超帶御器械勾管內東門太皇太后遣
賜文彥博手詔寄文思副使以久在太皇太后殿祇

應各有勤績除內侍押班添差勾當皇城司又于坤成節恩轉左藏庫使十月詔惟簡在太皇太后殿祇候近二十年累有勤績特與遙郡刺史蘇轍繳還詞頭韓維爭之尤力惟簡遂罷遷官勾管景靈宮二年遷西京左藏庫使尋爲嘉州刺史五年爲文思院使紹聖初坐援引陳衍得罪投竄四年屋宅錢物籍沒

入官

通鑑
長編

陳衍傳

陳衍開封人以內侍給事殿庭累官供備庫使梁惟簡薦諸宣仁聖烈皇后主管高韓王宅領御藥院內

東門司元祐五年梁燾言風聞中貴陳衍採訪外事

密奏兩宮近來頗自表異凌狎羣輩氣岸不勝疏累

上又面論之

長編四百四十七

宣仁山陵爲按行使俄以左

藏庫使文州刺史出爲眞定路都監御史來之邵方

力詆元祐政事首言衍在垂簾日怙寵驕肆交結戚

里進退大臣力引所私俾居耳目之地張商英亦論

衍交通宰相御服爲之賜珠結託詞臣儲祥爲之賜

膳蓋指呂大防蘇軾也衍坐貶監郴州酒稅務惟簡

以援引張士良梁知新以黨附皆得罪已又編管白

州徙配朱崖章惇起獄誣元祐諸老大臣云結衍輩

以謀廢立士良嘗與衍同在宣仁后間自郴州召之使實其說士良至但言宣仁彌留之際衍嘗可否二府事及用御寶付外而已鍛鍊無所得安惇蔡京奏言臣等伏覩元豐八年大臣輔立陛下內則選建親臣以爲翊贊外則遵依法度以定紀綱上則垂簾權同聽政以固根本司馬光劉摯呂大防等忘先帝厚恩棄君臣之義乘時伺便冒利無恥交通中人張茂則梁惟簡陳衍之徒躡取高位快其忿心盡變先帝已成之法分布黨與悉據要權公私詆誣無此忌憚旣而自知其罪終不可追深懼一日陛下親政則必

有欺君罔上之刑乃迴顧卻慮陰連內外包藏禍心
密爲傾搖之計於是疏隔兩宮及隨龍內侍十人悉
行放罷以去陛下之腹心廢受遺顧命元臣置以必
死之地先帝任事之人無一存者以剪陛下之羽翼
先帝之所治而得罪者縱而釋之以立陛下之仇敵
先帝之所惡而棄者收而用之以植陛下之怨讐以
王府爲要途以朝廷歸私室上下協比同惡相濟意
在不測天錫陛下聖知沉機淵默不言九年側身端
拱無毫釐之差羣姦無以伺其隙衆惡不能成其志
宗廟之靈社稷之福也此固不待指數而天下曉然

易知也然姦黨交結其操心危慮患深蹤迹詭祕世
莫得聞至於焚棄毀滅無復考驗前日雖已竄逐擯
廢而姦謀逆節蓋未白於天下也臣等幸被詔旨詢
究本末乃於焚棄毀滅之餘得其情狀其無君之惡
同司馬昭之心擅事之迹過趙高指鹿之罪天地之
所不容人神之所共棄蓋至今日其惡遂彰明較著
如此臣等竊覩上項事節大逆不道跡狀明白揆之
以義獻之以法死有餘責所有臣衍罪在不赦亦乞
更賜審問正以國法詔衍特處死令廣西轉運副使

泣其刑

宋史參李
黨長編

張士良傳

張士良元祐中皇城使爲宣仁殿御藥紹聖元年二月與陳衍梁知新同罷士良提點醴泉觀任便居住六月添差監潁州酒稅章惇蔡卞恐元祐舊臣復起與邢恕謀所以排陷之計旣責呂大防劉摯等過嶺仍用王履疏高士英狀追貶王珪皆誣以圖危上躬其言寢及宣仁皇后最後又起同文館獄將悉誅元祐舊臣內結宦者郝隨爲助專媒孽垂簾時事建言欲追廢宣仁聖烈皇后士良已竄雷州元符三年惇卞逮赴詔獄使証宣仁有廢立意士良旣以舊御藥

告并列鼎鑊刀鋸置前謂之曰言有卽舊官言無則死士良仰天哭曰太皇太后不可誣天地神祇何可欺也乞就戮京惇無如之何元符三年三省據士良辭奏言士良以御藥院給事宣仁聖烈皇后與陳衍更直宮中掌文書衍主看詳進呈定其所降付士良書于籍其所降付某處其所從違某事皆衍自與奪頒降士良未嘗與聞羣臣有奏請東朝還政者衍輒詆之曰此不忠不孝之人也匿其奏置櫃中不以聞東朝亦不以聞于上及與呂大防往來以合密賜大防妻皆不聞上坤成節北使朝見太皇坐間痰發扶

掖坐殿後御閣衍指揮兼外使臣虛進酒上食至畢
外廷皆不知衍又奏除范純仁左僕射文彥博平章
事于是翰林學士蔡京左諫議大夫安惇言臣等竊
覩上次事節大逆不道跡狀明白揆之以義讞之以
法死有餘責所有臣衍罪在不赦乞更賜審問正以
國法詔衍特處死徙士良編管白州崇甯初授左藏
庫使提舉鴻慶宮南京居住

長編參紀
事本末

新錄辨曰宣仁遺詔大防欲釋天下之重負就
東朝至燕閒復辟以時實吾之志是臣僚前此
未嘗有請還政奏章或有之則宣仁在上豈容

陳衍藏匿又吕大防妻爲國夫人必歲時入朝
三宮如太皇太后賜合容有不必問上之理此
言亦屬誣謗宣仁進用大臣豈至謀及中官史
臣妄意簾帷易欺增重陳衍之罪所以污蠹聖
母不知無根輕發不可以欺天下後世

長編注

梁知新傳

梁知新元祐中皇城副使爲宣仁殿御藥紹聖元年
坐黨附陳衍罷爲添差監亳州鹽酒稅旋因責降元
祐諸臣羈管藤州徽宗卽位依例轉官赴省供職崇
甯三年入黨籍

同上

李倬傳

李倬元祐中句當御藥院入年遣倬齎詔賜觀文殿

學士知潁昌府范純仁令乘驛赴闕崇甯三年入黨

籍

通鑑長編參楊仲良紀事本末

譚辰傳

譚辰崇甯元年令三省籍記姓名不得與在京差遣

三年降左藏庫使添差蘄州酒稅入黨籍

楊仲良紀事本末

賈鉞傳

賈鉞仕履無攷崇甯三年入黨籍

同上

趙約傳

趙約仕履無攷崇甯元年令三省籍記姓名不得與

在京差遣三年入黨籍

楊仲良紀事本末

黃卿從傳

黃卿從哲宗時入內西頭供奉官崇甯三年入黨籍

長編參紀事本末

馮說傳

馮說哲宗時累官入內西頭供奉官紹聖中被逐說

給事陳貴儀閤官抱徽宗元符三年復詔入後坐與

梁惟簡陳衍親厚送內侍省三年編管徐州入黨籍

五年以九鼎赦移汝州

同上

曾燾傳

曾燾紹聖中官入內侍高品坐梁惟簡陳衍親厚降
一官送吏部添差遠地監當崇甯三年編管歙州入
黨籍五年以九鼎赦移單州同上

蘇舜民傳

蘇舜民紹聖中官入內東頭供奉官寄內殿承旨坐
梁惟簡陳衍厚善送吏部遠地監當崇甯三年入黨
籍同上

楊偁傳

楊偁紹聖中官內侍省高品坐與梁陳親厚四年追

兩官送全州編管元年合三省籍記姓名不得與在

京差遣崇甯三年入黨籍

通鑑長編參紀事本末

梁弼傳

梁弼惟簡子紹聖四年編管瓊州入黨籍五年以九

鼎赦移歸州

同上

陳恂傳

陳恂衍子紹聖四年送瓊州編管入黨籍

同上

張茂則傳

張茂則字平甫開封人初補小黃門五遷至西頭供

奉官幹當內東門禁庭夜有盜茂則首登屋以入既

獲賊遷領御藥院仁宗不豫中夜促召茂則趨入扶
衛左右或欲掩宮門茂則曰事無可慮何至使中外
生疑耶帝疾間欲處以押班懇求補外轉宮苑使果
州團練使爲永興路兵馬鈐轄入爲內侍班再遷副
都知熙寧初同司馬光相視恩冀深瀛四州生隄及
六塔二股河利害進入內都知上元夜宮中火督衆
卽撲滅詔曰宮禁不驚帑藏如故惟忠與力予固嘉
之賜簪衣金帶累乞退休言受國厚恩廩食過量積
而未請者七年乞令三司毀券詔褒之仍進其官哲
宗卽位遷甯國軍留後加兩省都知卒年七十九茂

則性儉素食不重味衣裘累十數年不易紹聖論元祐人以茂則嘗預任使遣貶左監門衛將軍崇甯中入黨籍

宋史官者傳

張琳傳

張琳元豐八年行文成都府依樣織造錦紫絲鹿胎爲呂公著奏罷徽宗卽位以供承翊衛遷兩官崇甯元年九月三省籍記姓名不得在京差遣三年編管南安軍入黨籍

通鑑長編參紀事本末

裴彥臣傳

裴彥臣元祐四年官內東頭供奉官蔡確貶新州彥

臣伴送奏言如確沿途稱疾卽添差遞鋪兵士用兜
橋擡舁前去從之元符三年右司諫陳瓘言彥臣無
甚幹才但能交通內外洩漏機密遂使物議籍籍或
者以爲萬機之事黜陟差除皇太后至今與也崇甯
元年九月令三省籍記姓名不得與在京差遣尋編
管池州除名勒停五年以九鼎赦移廣德軍

通鑑長編參紀

事本末

李侂傳

李侂熙甯八年官內殿崇班河北第八副將坐與將
官劉慶不和理曲追一官勒停崇甯三年入黨籍子

及親兄弟並與外路遠處監當差遣子恂仁落閤門

祇候

通鑑長編參楊仲良紀事本末

閤守勤傳

閤守勤哲宗時官入內內侍省東頭供奉官勾管西

京崇福宮徽宗即位寄左藏庫副使添差勾當御藥

院崇甯三年貶賀州長史安置全州入黨籍子及親

兄弟並與外路遠處監當差遣子依落寄班祇候五

年以九鼎赦移漣水軍

同上

王紱傳

王紱仕履無攷崇甯三年入黨籍

紀事本末

李穆傳

李穆崇甯三年編管金州入黨籍五年以九鼎赦移

鄧州同

蔡克明傳

蔡克明未詳里貫徽宗卽位向太后權同聽政將復用范純仁而意若未伸乃遣克明至永州就賜銀合茶藥問勞委曲曰二聖甚知相公在先朝言事忠直已虛位待相公不知目疾如何用何人醫治只爲左右有不是常人阻隔相公又云太后問相公官家卽位行事如何天下何說又云天下有何不便但奏取

來又云離闕日二聖再三命某言太后在宮中皇上
在藩邸甚知相公是直臣純仁至畿內又遣克明賜
銀合茶藥仍宣諭渴見之意蔡京蓄恨范正平及當
國言李之儀所撰范純仁行狀妄載中使蔡克明傳
二聖虛伫之意與之儀正平同逮至御史府之儀正
平皆欲誣服獨克明曰舊制凡傳聖語受本于御前
請寶印出注籍內東門使從其家得聖語本有御寶
驗內東門籍皆同獄遂解崇甯三年編管桂陽監入
黨籍五年以九鼎赦移饒州

宋史范正平傳參紀事
本末李之儀范公行狀

王化基傳

王化基熙甯初爲內侍省入內殿頭熙甯四年樞密院劄子王化基不合直批聖旨于內作坊取吏人奉旨令本省依理施行崇甯初官內侍省左藏庫使坐陳衍黨編管高州五年移全州

通鑑長編二百二十一

王道傳

王道崇甯三年除名勒停永不收叙編管韶州入黨籍五年以九鼎赦移郴州

紀事本末

鄧世昌傳

鄧世昌崇甯三年編管密州入黨籍五年以九鼎赦

移唐州

同上

鄭居簡傳

鄭居簡崇甯三年編管信州入黨籍五年以九鼎赦

移滁州

同上

張祐傳

張祐徽宗登極以供承朝衛遷兩官崇甯三年入黨

籍

長編參紀
事本末

王化臣傳

王化臣崇甯三年編管青州入黨籍五年以九鼎赦

移濟州

紀事
本末

爲臣不忠曾任宰臣

王珪傳

王珪字禹玉成都華陽人哲宗立累進金紫光祿大夫封岐國公卒謚曰文紹聖中邢恕謗起黃履葉祖洽劉拯交論珪元豐末命事恕又誘教高遵裕子士京上奏言珪欲立雍王由是得罪追貶萬安軍司戶參軍削諸子籍徽宗卽位還其官封蔡京秉政復奪贈謚政和中復之事迹詳宋史本傳

章惇傳

章惇字子厚建州浦城人進士舉甲科哲宗卽位累知樞密院事宣仁聽政惇與蔡確矯倡定策功確罷

惇不自安乃駁司馬光所更役法累數千言宣仁怒黜知汝州哲宗親政有復熙甯元豐之意首起惇爲尙書左僕射兼門下侍郎於是專以紹述爲國是凡元祐所革一切復之引蔡卞林希黃履來之邵張商英周秩翟思上官均居要地任言責協謀朋姦報復仇怨小大之臣無一得免死者禍及其孥甚至詆宣仁后謂元祐之初老姦擅國又請發司馬光呂公著冢斲其棺哲宗不聽惇意不愜請編類元祐諸臣章疏遂治劉安世范祖禹諫禁中雇乳媪事又起同文館獄命蔡京安惇纂序辰窮治欲覆諸人家又議察

訪嶺南將盡殺流人哲宗曰朕遵祖宗遺制未嘗殺戮大臣其釋勿治然重得罪者千餘人或至三四謫徙天下寃之惇用邢恕爲御史中丞惇託司馬光語范祖禹曰今主少國疑宣訓事猶可慮又誘高士京上書言父遵裕臨死屏左右謂士京曰神宗彌留之際王珪遣高士充來問曰不知皇太后欲立誰我叱士充去之皆欲誣宣仁以此實之惇遂追貶司馬光王珪結中官郝隨爲助欲追廢宣仁后自皇太后太妃皆力爭之哲宗感悟焚其奏隨覘知之密語惇與蔡卞明日惇卞再言哲宗怒曰卿等不欲朕入英宗

廟乎惇卞乃已惇又以皇后孟氏元祐中宣仁后所
立迎合郝隨勸哲宗起掖庭祕獄託以左道廢后瑤
華宮其後哲宗頗悔乃歎曰章惇壞我名節哲宗崩
徽宗立遷惇特進封申國公爲山陵使靈輦陷澤中
踰宿而行言者劾其不恭罷知越州尋貶武昌軍節
度副使潭州安置右正言任伯雨論其欲追廢宣仁
后又貶雷州司戶參軍初蘇軾謫雷不許占官舍遂
僦民屋惇又以爲強奪民居下州究治以僦券甚明
乃止至是惇問舍於民民曰前蘇公來爲章丞相幾
破我家今不可也徙睦州死惇四子連登科無顯者

死之日羣妾分爭金帛停屍數日無人在側爲鼠食
其一指政和中追贈觀文殿大學士紹聖五年高宗開
任伯雨章疏手詔曰停詆誣宣仁后欲追廢爲庶人
賴哲宗不從其請使其言施用豈不上累泰陵貶昭
化軍節度副使子孫不得仕于朝詔下海內稱快

參通鑑
長編

元祐黨人傳卷第十

誥授榮祿大夫三品頂戴前廣東南韶連兵備道調補高

廉道權福建鹽運使司鹽法道加四級

臣

陸心源纂

黨案始末

崇寧元年五月乙丑臣僚上言臣聞天下之罪其名
不正則天下之善無自而明神考在位凡十有九年所
作法度皆本先王元祐黨臣秉政紊亂殆盡朋姦罔
上更唱迭和氣焰薰炙不可嚮邇者皆神考之罪人
也紹聖追復雖以竄逐陛下卽位仁德涵養使之自
新黨類實煩所在連結罪廢者一旦牽復不以其漸

所與過當又復紛然莫之能禦內外相應寢以滋蔓
爲害彌甚今皆坐享榮名顯職厚祿大郡以至分居
要路疑若昔未嘗有罪者非所以正名也又曰今姦
黨姓名具在文案甚明有議法者有行法者有爲之
唱者有從而和者罪有輕重情有淺深使有司條析
區別行遣使各當其罪數日可畢庶幾得罪名者無
所致怨不憂後禍觀望者消于冥冥之中天下忠臣
良士各得自盡以悉心于上不疑復有害之者以顯
神考盛德大業以成陛下繼志述事之孝而天下可
以無爲而治矣伏望早賜施行

五月丙子詔曰昔在元祐權臣擅邦倡率朋邪誣詆
先烈善政良法肆爲紛更紹聖躬攬政機灼見群慝
斥逐流竄具正典刑肆朕纘承與之洗滌悉復收召
賓諸朝廷而締交合謀彌復膠 惟以沮壞事功報
復仇怨爲事翁翕訛訛必一變熙寧元豐之法度爲
元祐之政而後已凡所論列深駭朕聽至其黨與則
遷敘不次無復舊章或繇冗散之中登殿閣而滿方
面或旣殂謝之後還舊職而加橫恩玩法肆姦鮮不
類此稍後屏遠姑務含容而言路交攻義不可遏乃
擇其尤者第加裁削以適厥中尙慮中外誣誤之人

未免反側宜詳示訓諭以慰安羣情應元祐以來及元符未嘗以朋比附黨得罪者除已施行外自今以往一切釋而不問在言責者亦勿復輒言朕言不渝羣聽毋惑宜令御史臺出榜朝堂詔詞留布所草定也

九月辛丑臣僚上言近出使府界陳州士人有以端禮門石刻元祐姦黨姓名問臣者其姓名朝廷雖嘗行下至于御筆刻石則未盡知也陛下孚明賞罰姦臣異黨無間存沒皆第其罪惡親灑宸翰紀名刊石以爲天下臣子不忠之戒而近在畿內輔郡猶有不

知者況四遠乎欲乞特降睿旨具列姦黨以御書刊
石端禮門姓名下外路州軍於監司長吏廳立石刊
記以示萬世從之御史臺抄錄元祐姦黨曾任宰臣

文彥博

故

呂公著

故

司馬光

故

呂大防

故

劉摯

故

范純仁

韓忠彥

王珪故

曾任執政官

梁燾故

王巖叟故

王存故

鄭雍故

傅堯俞故

趙瞻故

韓維故

孫固故

范百祿

胡宗愈

故

李清臣

故

蘇轍

劉奉世

范純禮

陸佃

故

安燾

曾任待制以上官

蘇軾

故

范祖禹 故

王欽臣

姚勛 故

顧臨 故

趙君錫 故

馬默 故

孔武仲 故

王汾 故

孔文仲 故

宋光庭 故

吳安持 故

錢 勰 故

李之純 故

孫 覺 故

鮮于侁 故

趙彥若 故

趙 鼎 故

孫 升 故

李 周

劉安世

韓川

賈易

呂希純

曾肇

王覲

范純樸

楊畏

呂陶

王古

陳次升

豐稷

謝文瓘

鄒浩

張舜民

餘官

秦觀故

湯裨

杜純故

司馬康

宋保國

吳安詩

張耒

歐陽棐

呂希哲

劉唐老

晁補之

黃庭堅

黃隱

畢仲游

常安民

孔平仲

王鞏

張保源

汪衍

余爽

鄭俠

常立

程頤

唐義問

余卞

李格非

商倚

張庭堅

李祉

陳祐

任伯雨

陳邠

朱光裔

蘇嘉

陳瓘

龔夫

呂希績故

歐陽中立

吳儔

詔緣姦黨入籍並子弟等除曾任監司罷任指定與知州人外將其餘不得到闕合授差遣人今後並令于所在州依條審量其官吏保明堪與不堪釐務內初出官仍驗付身令召保二人依條式聲說委保事因各連家狀一就繳申吏部從吏部尙書何執中奏請也

九月乙巳詔建中靖國元年及元符末姦黨並合焚毀不用文字等並併依元祐

十月庚戌詔應元祐係籍人並依寄祿官與請給更不注差遣見有差遣人並罷其子並親兄弟並與宮觀嶽廟差遣內係選人者與監當差遣不得與改官十月癸酉臣僚上言伏覩元符之末朋黨遞用陛下以先定之志獨見之明屏斥姦回以斷國是自總攬以至于今百廢具舉效應顯著紹述大有爲之功斯旣成矣陛下復懲前日紛更之由深思遠慮謂事雖小而其端足以成害者不可不禁乃詔有司自元豐

八年三月五日以後至紹聖元年四月十三日以前
及元符三年正月十二日以後至崇寧元年正月以
前凡官司比例勿復引用蓋所以防微杜漸遏絕其
萌芽以垂無疆之休也然臣區區之愚尙以爲崇寧
元年六月以前姦黨猶在朝其懷私害正持心不移
與夫官吏希望風旨于下者或因人以廢事或因事
以廢去其所立一時之例若謂其在崇寧正月以後
而用之則與建中靖國之例相去幾何哉陛下嘉靜
天下以隆太平事無大小其坐朋黨而害政者不可
以不靖也

崇寧三年正月詔三蘇集及蘇門學士黃庭堅張耒
晁補之秦觀等集並毀板

二月詔翰林學士張康國編類元祐臣僚章疏

六月甲辰詔元符末姦黨並通入元祐籍更不分三
等應係籍姦黨已責降人並各依舊除今來入籍人
數外餘並出籍今後臣寮更不得彈劾奏陳令學士
院降詔

元祐姦黨

文臣曾任宰臣執政官

司馬光故

文彥博 故

呂公著 故

呂大防 故

劉摯 故

范純仁 故

韓忠彥

曾布

梁燾 故

王巖叟

蘇轍

王存

鄭雍故

傅堯俞故

趙瞻故

韓維故

孫固故

范百祿故

胡宗愈故

李清臣故

劉奉世

范純禮

安燾

陸佃

黃履

故

張商英

蔣之奇

曾任待制以上官

蘇軾

故

劉安世

范祖禹

故

朱光庭

故

姚勔

故

趙君錫

故

馬默

故

孔武仲

故

孔文仲

故

吳安持

故

錢勰

李之純

故

孫覺

故

鮮于仇 故

趙彥若 故

趙 尚 故

王欽臣 故

孫 升 故

李 周 故

王 汾 故

韓 川 故

顧 臨 故

賈 易 故

呂希純

曾肇

王觀

范純粹

呂陶

王古

豐稷

張舜民

張問
故

楊畏

鄒浩

陳公升

謝文瓘

岑象求

周鼎

徐勣

路昌衡

故

董敦逸

故

上官均

葉濤

故

郭知章

楊康國

龔原

朱絨

葉祖治

朱師服

餘官

秦觀

黃庭堅

晁補之

張耒

吳安詩

歐陽棐

劉唐老

王鞏

呂希哲

杜純
故

司馬康

宋保國

張保源

孔平仲

湯械

黃隱

畢仲游

常安民

汪衍

余爽

鄭俠

常立

故

程頤

唐義問故

余卞

李格非

陳瓘

任伯雨

張庭堅

馬涓

孫諤故

陳邠

朱光裔

蘇嘉

龔夬

王回故

呂希績故

歐陽中立故

吳儔故

尹材故

葉仲故

李茂直

吳處厚

李積中

商倚

陳祐故

虞防

李社

李深

李之儀

范正平

曹益

楊綝

蘇 炳

葛茂宗

劉 謂

柴 袞

洪 羽

趙天佐

李 新

衡 鈞

袞公適

故

馮百藥

周 誼

孫 琮

范柔中

鄧考甫

王 察

趙 峒

封覺民
故

胡端修

李 傑

趙令時

郭執中

石芳

李賁

奎極

高公應

安信之

張集

黃策

吳安遜

周永徽

高漸

張夙
菽

鮮于綽

呂諒卿

王貫

朱紘

吳朋
菽

梁安國

王古

蘇迥

檀固

何大受

王箴

鹿敏求

江公望

曾紆

高士育

鄧忠臣
故

种師極

韓治

鄧 貺

秦希甫

錢景祥

周 綉

何大正

呂彥祖

梁 寬

沈 千

曹興宗

羅鼎臣

劉勃

王拯

黃安期

陳師錫

于肇

黃遷

万侯正

許堯輔

楊肱

胡良

梅君俞

寇宗顏

張居

李修

逢純熙

改

高遵裕

黃才

曹盥

侯顧道

林膚

葛輝故

宋壽岳

王公彥

王交

張溥

許安修

劉吉甫

胡潛

董祥

楊環寶

倪直孺

蔣津

王守

鄧允中

梁俊民

王陽

張裕

陸表民

葉世英

謝潛

陳唐

劉經國故

扈充故

張恕

蕭刊

趙越

滕友

江洵

方适

陳井

洪芻

周鏐

許端卿

李昭玘

向訓

陳察

鍾正甫

高茂華

楊彥璋

廖正一

李夷行

彭醕

梁士能

武臣

張翼

李備故

王獻可故

胡田

馬諗

王履

趙希夷

任濬

郭子旂

錢盛

趙希德

王長民

李永茂

王庭臣

吉師雄

李愚

吳休復

故

崔昌符

潘滋

高士權

李嘉亮

王玘

劉延肇

姚雄

李基

內臣

梁惟簡
荻

陳衍

張士良

梁知新
故

李倬

譚展

寶鉞

趙約

黃卿

馮說

曾 燾

蘇舜民

楊 偁

梁 弼

陳 恂

張茂則 故

張 琳

裴彥臣

李 偁 故

閻守勲

王紱

李穆

蔡克明

王化基

王道

鄧世昌

鄭居簡

張祐

王化臣

爲臣不忠曾任宰臣

王珪故

章 愼

詔重定元祐元符黨人及上書邪等事者合爲一籍
通三百九人刻石朝堂餘並出籍自今毋得復彈奏
六月戊午詔曰朕嗣位之始恭默未言往歲姦朋復
相汲引倡導邪說實繁有徒或據要路而務變更或
上封章而肆詆毀同惡相濟非止一端推原其心豈
勝誅殛比詔編類具列姓名乃下從班博盡眾議仍
爲三等各賜所聞庶幾僉同罔有漏失惟邪慝之復
起蓋源流之相承迹其從來于元祐得罪宗廟甯分

等差悉皆親書通爲一籍載刊諸石置在朝堂爲臣
不忠附見于末所麗雖異其罪惟均朕方以仁恩徧
覆天下前旣遣黜弗忍再行亦有可矜出于籍外自
時厥後已定不渝羣聽式孚毋復輒論其元符末姦
黨並通入元祐籍更不分三等應係籍姦黨已責降
人並各依舊除今來入籍人數外餘並出籍今後臣
寮更不得彈劾奏陳

崇寧五年正月戊戌是夕彗星出西方由奎貫胃昴
畢至戊午沒

正月乙巳詔以星文變見避正殿損常膳中外臣寮

等並許直言朝廷闕失又詔應元祐及元符末係籍人等今既遷謫累年已足懲戒可復仕籍許其自新朝堂石刻已令除毀如外處有姦黨石刻亦令除毀今後更不許以前事彈糾常令御史臺覺察違者劾奏以上皆出楊仲良通鑑長編紀事本末

張綱看詳元祐黨人狀

准尚書省劄子臣寮上言

具前劄子

七月十二日三省同

奉聖主令給舍看詳元祐黨籍內曾任宰執侍從臺諫等官顯有名德合依累降指揮推恩之人并餘人各項開具限五日具狀聞奏今具下項須至奏聞者

曾任宰臣

文彥博 呂公著 司馬光 呂大防

劉摯 范純仁 韓忠彥

曾任執政

梁燾 王巖叟 王存 鄭雍

傅堯俞 趙瞻 韓維 孫固

范百祿 胡宗愈 李清臣 蘇轍

劉奉世 范純禮 陸佃 安燾

曾任待制以上

蘇軾 范祖禹 王欽臣 姚勔

顧臨 趙君錫 馬默 孔武仲

王汾 孔文仲 朱光庭 吳安持

錢勰 李之純 孫覺 鮮于侁

趙彥若 趙尚孫 升李周

劉安世 韓川 賈易 呂希純

曾肇 王覲 范純粹 楊畏

呂陶 王古 陳次升 豐稷

謝文瓘 鄒浩 張舜民

餘官

秦觀 湯斌 杜純 司馬康

宋保國 吳安詩 張 耒 歐陽棐

呂希哲 劉唐老 晁補之 黃庭堅

黃 隱 畢仲遊 常安民 孔平仲

王 鞏 張保源 汪 衍 余 爽

鄭 俠 常 立 程 頤 唐義問

杲 卞 李格非 商 倚 張庭堅

李 祉 陳 祐 任伯雨 陳 鄂

朱光裔 蘇 嘉 陳 瓘 龔 夬

呂希績 歐陽中立 吳 儔

已上共九十七人

右臣等今看詳黨籍人姓名見於碑刻者共有二本

一本計九十八人一本計三百九人雖皆出於蔡京私意內九十八人者係是崇寧初年所定多得其真其後蔡京再將上書人及將己所不喜者作附麗人添入黨籍冗雜泛濫增至三百九人看詳九十八人內除王珪一名不合在籍自餘九十七人多是名德之臣除臺諫官卒難省記外其間曾任宰執侍從及餘人並開項在前所有三百九人豁除九十七人係前石刻所載其餘數內更有侍從官上官均岑象求及餘官江公望范柔中鄧考甫孫諤等六人其名德亦顯然可見外有二百餘人雖石刻具存然其姓名

有不顯者及當時議論是非爲年歲深遠別無文字
攷究難以雷同開具契勘前項九十七人並六人其
計一百三人依得累降推恩指揮所有今來臣寮上
言許子孫陳乞恩例次數伏乞付三省措置施行謹

錄奏聞伏候勅旨

華陽集